

白香山詩集

冊六

自序

一

白香山詩長慶集卷第十六

律詩

五言七言凡九十六首

東南行一百韻寄通州元九侍御澧州李十一舍人果州崔
二十二使君開州韋大員外庾三十二補闕杜十四拾遺李
二十助教員外竇七校書

南去經三楚東來過五湖山頭看候館水面問征途地遠窮江界天

低接

一作極

海隅飄零同落葉浩蕩似乘桴漸覺鄉原異深知土俗殊

夷音語嘲啗蠻態笑睢盱水市通闐闐煙村混舳舻吏徵魚戶稅人
納火田租亥日饒鰕蟹寅年足虎羆成人男作非事鬼女爲巫樓暗
攢倡婦隄喧簇販夫夜船論鋪賃春酒斷瓶沽見果皆盧橘聞禽悉
鷓鴣山歌猿獨叫野哭鳥相呼嶺微雲成棧江郊水當郭月移翹柱
鶴風汎颭檣烏鰲礙潮無信蛟驚浪不虞鼉鳴江擂鼓蜃氣海浮圖
樹裂山魃穴沙含水弩樞喘牛犁紫芋羸馬放青菰繡面誰家婢鶚

頭幾歲奴泥中采菱芡燒後拾樵蘇鼎膩愁烹鼈盤腥厭膾鱸鍾儀
徒戀楚張翰浪思吳氣序涼還熱光陰旦復晡身方逐萍梗年欲近
桑榆渭北田園廢江西歲月徂憶歸恆慘澹懷舊忽踟躕自念咸秦
客嘗爲鄒魯儒蘊藏經國術輕棄度關繻賦力凌鸚鵡詞鋒敵轆轤
戰文重掉鞅射策一彎弧崔杜鞭齊下元韋轡並驅名聲逼揚馬交
分過蕭朱世務輕磨揣周行竊覲覲風雲皆會合雨露各霑濡共偶
遇一作昇平代偏慙固陋軀承明連夜直建禮拂晨趨美服頒王府珍

羞降御廚議高通白虎諫切伏青蒲柏殿行陪宴花樓走看酺神旗
張鳥獸天籟動笙竽戈劍星芒耀魚龍電策駢定場排越妓一作促

漢旅

坐進吳歛縹緲疑仙樂嬋娟勝畫圖歌鬟低翠羽舞汗墮紅珠別選
閒遊伴潛招小飲徒一杯愁已破三錢氣彌麤軟美仇家酒幽閒葛
氏姝十千方得斗二八正當壚論笑杓胡碑談憐輦囁嚅李酣尤短
寶庾醉更薦迂鞍馬呼教住骰盤喝遣輸長驅波卷白連擲采成盧

骰盤卷白波莫走鞍馬皆當時酒令籌併頻逃席觥嚴別置孟滿卮那可灌顏玉不勝

扶入視中樞艸歸乘內廐駒醉曾衝宰相驕不揖金吾日近恩雖重

雲高勢卻孤翻身落霄漢失腳到泥塗博望移門籍潯陽佐郡符子

太子贊善大夫出爲江州司馬時情變寒暑世利算錙銖望日辭雙闕明朝別九衢

播遷分郡國次第出京都十年春微之移佐通州其年秋予出佐潯陽明年冬杓直出牧澧州崔二十二出牧

果州韋大出牧開州秦嶺馳三驛商山上二邛商山險道中有東西二邛峴陽亭寂寞夏口

路崎嶇大道全生棘中丁盡執殳江關未徹警淮寇尙稽誅時淮西路未平

經襄郡二州林對東西寺山分大小姑東林西林寺在廬山北大姑小姑在廬山南彭蠡湖中

廬峯蓮刻削溢水帶縈紆蓮花峯在廬山北溢水在江城南何遜詩云溢城對溢水縈如帶九派

吞青艸潯陽江九派南通青艸洞庭湖孤城覆綠蕪南方城壁多以艸覆黃昏鐘寂寂清曉角

鳴鳴春色辭門柳秋聲到井梧殘芳悲鷓鴣音啼決見楚詞暮節感茱萸蕊

拆金英菊花飄雪片蘆波紅日斜沒沙白月平鋪幾見林抽筍頻驚

燕引雛歲華何倏忽年少不須臾眇默思千古蒼茫想八區孔窮緣

底事顏夭有何辜龍智猶經醢龜靈未免刳窮通應已定聖哲不能
踰況我身謀拙逢他厄運拘漂流隨大海鎚鍛任洪爐險阻嘗之矣
栖遲命也夫沈冥消意氣窮餓耗肌膚防瘡和殘藥迎寒補舊襦書
牀鳴蟋蟀琴匣網蜘蛛貧室如懸磬端憂劇守株時遭人指點一作客答
難數被鬼揶揄兀兀都疑夢昏昏半似愚女驚朝不起妻怪夜長吁
萬里拋一作離朋侶一作執三年隔友于自然悲聚散不是恨榮枯去夏
微之瘡今春席八殂天涯書達否泉下哭知無去年聞元九瘡瘡書去竟未報今春聞席
往能無慟矣入歿久與還謾寫詩盈卷一作軸空盛酒滿壺只添新悵望豈復舊歡
娛壯志因愁減衰容與病俱相逢應不識滿領白髭鬚

立名按洪氏隆興職方乘嶺南村落有市謂之虛以其不常會多虛日也西蜀曰痰言如痰疾間而後作江南惡以疾稱因止曰友獨徐筠水志云荆吳俗以寅申己亥日集於市觀公詩用亥日甚多則徐氏之說爲是

初到江州寄翰林張李杜三學士

早攀霄漢上天衢晚落風波委世途雨露施恩無厚薄蓬蒿隨分有

榮枯傷禽側翅驚弓箭老婦低顏事舅姑碧落三山曾識面年深記
得姓名無

庾樓曉望

獨憑朱檻立凌晨山色初明水色新竹霧曉籠銜嶺月蘋風煖送過
江春子城陰處猶殘雪衙鼓聲前未有塵二百年來庾樓上曾經多
少望鄉人

宿西林寺

木落天晴山翠開愛山騎馬入山來心知不及柴桑令一宿西林便

欲一作回柴桑令劉遺民也

立名按「侯鯖錄」云近見士子多使柴桑令爲陶淵明不知劉遺民曾作柴桑令也

江樓宴別

樓中別曲催離酌燈下紅裙間綠袍縹緲楚風羅綺薄錚鏦越調管
絃高寒流帶月澄如鏡夕吹和霜利似刀尊酒未空歡未盡舞腰歌

袖莫辭勞

題山石榴花

一叢千朵壓闌干，剪碎紅綃卻作團。
風嫋舞腰香不盡，露銷妝臉淚初乾。
薔薇帶刺攀應嬾，菡萏生泥翫亦難。
爭及此花簷戶下，任人採弄盡去聲人看。

代春贈

山吐晴嵐水放光，辛夷花白柳梢黃。
但知莫作江西意，風景何曾異帝鄉。

答春

艸煙低重水花明，從道風光似帝京。
其奈山猿江上叫，故鄉無此斷腸聲。

櫻桃花下歎白髮

逐處花皆好，隨年貌自衰。
紅櫻滿眼日，白髮半頭時。
倚樹無言久，攀

條欲放遲臨風兩堪歎如雪復如絲

惜落花贈崔二十四

漠漠紛紛不奈何狂風急雨兩相和
晚來悵望君知否枝上稀疏地上多

移山櫻桃

亦知官舍非吾宅且斲山櫻滿院栽
上佐近來多五考少應四度見花開

官舍閒題

職散優閒地身慵老大時送春唯有酒
銷日不過棋祿米顰牙稻園蔬鴨腳葵
飽食仍晏起餘暇弄龜兒

龜兒卽小姪名

晚春登大雲寺南樓贈常禪師

花盡頭新白登樓意若何歲時春日少
世界苦人多愁醉非因酒悲吟不是歌
求師治此病唯勸讀楞伽

北樓送客歸上都

憑高送遠一悽悽，卻下朱欄手共

一作解

攜京路人歸。天直北江樓客

散日平西，長津欲渡迴船尾。殘酒重傾，簇馬蹄不獨別君須強飲，窮愁自要醉如泥。

北亭招客

疎散郡丞同野客，幽閒官舍抵山家。春風北戶千莖竹，晚日東園一樹花。小殘吹醅嘗冷酒，深爐敲火炙新茶。能來盡日宮棋否？太守知慵放晚衙。

宿西林寺早赴東林滿上人之會因寄崔二十二員外

謫辭魏闕鵷鸞隔，老入廬山麋鹿隨。薄暮蕭條投寺宿，凌晨清淨與僧期。雙林我起聞鐘後，隻日君趨入閣時。鵬鷲高低分皆定，莫勞心力遠相思。

遊寶稱寺

竹寺初晴日
池塘欲晚一作曉
春堊猿疑弄客山
鳥似呼人酒嫩傾金
液
茶新碾玉塵可憐幽靜地
堪寄老慵身

早春聞提壺鳥因題鄰家

厭聽秋猿催下淚
喜聞春鳥勸提壺
誰家紅樹先花發
何處青樓有酒沽
進士麤豪尋靜盡
拾遺風彩近都無
欲期明日東鄰醉
變作騰騰一俗夫

見紫薇花憶微之

一叢暗澹將何比
淺碧籠裙襯紫巾
除卻微之見應愛
人間少有別花人

薔薇花一叢獨死不知其故因有是篇

柯條未嘗損根發
不曾移同類
今齊茂孤芳忽獨萎
仍憐委地日正
是帶花時
碎碧初凋葉
焦紅尙戀枝
乾坤無厚薄
草木自榮衰
欲問因何事
春風亦不知

湖亭望水

久雨南湖漲新晴北客過日沉紅有影風定綠無波岸沒閭闔少灘
平船舫多可憐心賞處其奈獨遊何

閒遊

外事因慵廢中懷與靜期尋泉上山遠看筍出林遲白石磨樵斧青
竿理釣絲澄清深淺好最愛夕陽時

憶微之傷仲遠

李三仲遠
去年春喪

幽獨辭羣久漂流去國賒只將琴作伴唯以酒爲家感逝因看水傷
離爲見花李三埋地底元九謫天涯舉眼青雲遠回頭白日斜可能
勝賈誼猶自滯長沙

過鄭處士

聞道移居村塢間竹林多處獨開關故來不是求他事暫借南亭一
望山

霖雨苦多江湖暴漲塊然獨望因題北亭

自作潯陽客無如苦雨何陰昏晴日少閒悶睡時多湖闊將天合雲
低與水和籬根舟子語巷口釣人歌霧鳥沉黃氣風帆蹙白波門前
車馬道一宿變江河

春末夏初閒遊江郭二首

閒出乘輕屐徐行蹋軟沙觀魚傍湓浦看竹入楊家
湓浦多魚浦西有楊侍郎宅多
竹林迸穿籬筍藤飄落水花雨埋釣舟小風颺酒旗斜嫩剝青菱角
濃煎白茗芽淹留不知夕城樹欲栖鴉

柳影繁初合鶯聲澀漸稀早梅迎夏結殘絮送春飛西日韶光盡南
風暑氣微展張新小簾熨帖舊生衣綠蟻杯香嫩紅絲鱸縷肥故園
無此味何必苦思歸

紅藤杖

杖出南蠻

南詔紅藤杖西江白首人時時攜步月處處把尋春勁健孤莖直疎

圓六節勻火山生處遠瀘水洗來新粗細纔盈手高低僅過身天邊望鄉客何日挂歸秦

風雨中尋李十一因題船上

匹馬來郊外扁舟在水濱可憐衝雨客來訪阻風人小榼沽清醕行廚煮白鱗停杯看柳色各憶故園春

題廬山山下湯泉

一眼湯泉流向東浸泥澆艸煖無功驪山溫水因何事流入金鋪玉甃中

寄蘄州簞與元九因題六韻

時元九鰥居

笛竹出蘄春霜刀劈翠筠織成雙鎖簞寄與獨眠人卷作筒中信舒爲席上珍滑如鋪薤葉冷似臥龍鱗清潤宜乘露鮮華不受塵通州炎瘴地此物最關身

秋熱

西江風候接南威暑氣常多秋氣微猶道江州最涼冷至今九月著生衣

題元八溪居

溪風漠漠樹重重水檻山窗次第逢晚葉尙開紅躑躅秋房初結白芙蓉聲來枕上千年鶴影落杯中五老峯更媿殷勤留客意魚鮮飯細酒香濃

晚出西郊

散吏閒如客貧州冷似村早涼湖北岸殘照郭西門嬾鑷從鬚白休治平聲一作醫一任眼昏老來何所用少興不多言

階下蓮

葉展影翻當砌月花開香散入簾風不如種在天池上猶勝生於堦水中

端居詠懷

賈生俟罪心相似張翰思歸事不如斜日早知驚鵬鳥秋風悔不憶
鱸魚胸襟曾貯匡時策懷袖猶殘諫獵書從此萬緣都擺落欲攜妻
子買山居

夜宿江浦聞元八改官因寄此什

君遊丹陛已三遷我汎滄浪欲二年劍珮曉趨雙鳳闕煙波夜宿一
漁船交親盡在青雲上鄉國遙拋白日邊若報生涯應笑殺結茅栽
芋種畬田

立名按元八卽元宗簡也英華作元九是誤以爲微之耳公佐江
州元九方在通州及移號州與白公忠州同除安得所謂劍珮曉
趨雙鳳闕耶

百花亭

朱檻在空虛涼風八月初山形如峴首江色似桐廬佛寺乘船入人
家枕水居高亭仍有月今夜宿何如

江樓早秋

南國雖多熱秋來亦不遲湖光朝霽後竹氣晚涼時樓閣宜佳客江山入好詩清風水蘋葉白露木蘭枝欲作雲泉計須營伏臘資匡廬一步地官滿更何之

送客之湖南

年年漸見南方物事事堪傷北客情山鬼躑跳唯一足峽猿哀怨過三聲帆開青艸湖中去衣濕黃梅雨裏行別後雙魚難定寄近來潮不到湓城

百花亭晚望夜歸

百花亭上晚徘徊雲景陰晴掩復開日色悠揚暎山盡雨聲蕭颯渡江來鬢毛遇病雙如雪心緒逢秋一似灰向夜欲歸愁未了滿湖明月小船迴

西樓

小郡大江邊危樓夕照前青蕪卑濕地白露泐寥天鄉國此時阻家